



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-076-3/23**

Datum: **19.05.2023. godine**

«Agencija za vodno područje rijeke Save» Sarajevo rješavajući po zahtjevu pravnog lica, «HIFA-OIL» d.o.o. Tešanj, za donošenje rješenja o vodnoj dozvoli za ispuštanje oborinskih onečišćenih otpadnih voda u prirodni recipijent sa lokaliteta kompleksa Terminala tečnih goriva u Zenici, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

R J E Š E N J E **o vodnoj dozvoli**

1. Daje se vodna dozvola pravnom licu «HIFA-OIL» d.o.o. Tešanj za ispuštanje oborinskih onečišćenih otpadnih voda u prirodni recipijent sa lokaliteta kompleksa Terminala tečnih goriva izgrađenog na zemljištu označenom kao k.č. broj: 290/149, 290/150, 290/151, 290/152, 290/153, 290/154, 290/155 K.O. Zenica I, grad Zenica.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarno fekalnih voda, a za čije izdavanje je nadležno Ministarstvo za poljoprivredu, šumarstvo i vodoprivredu Zeničko-dobojskog kantona u skladu sa članom 139. stav (2) tačka 1. i 2. Zakona o vodama ili općina/grad, ukoliko je kantonalnim propisom prenesena nadležnost na općinu/grad, shodno stavu (3) istog člana zakona.
3. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 3.1. Da se upotreba i korištenje predmetnog kompleksa objekata Terminala vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 3.2. Da korisnik kompleksa objekata, za vrijeme trajanja ove dozvole, obezbjeđuje da se onečišćene vode sa saobraćajnih i manipulativnih površina nesmetano sakupljaju i odvođe do objekta predviđenog za tretman onečišćenih voda (separator ulja i masti), a zatim ovako tretirane vode preko okna za monitoring ispuštaju u rijeku Bosnu.
 - 3.3. Prečišćene oborinske onečišćene otpadne vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 3.4. Objekte čija je svrha odvođenje i prečišćavanje oborinskih onečišćenih otpadnih voda (separator ulja i masti, slivne rešetke, slivnici, ventili za kontrolisano ispuštanje oborinskih voda iz zaštitnih tankvana, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti, izdvojenim naftnim derivatima i talogu iz separatora ulja i masti.
 - 3.5. Skladištenje tečnih goriva vršiti u četiri nadzemna rezervoara ukupne zapremine 12.000m³ (4x3.000m³) i dvanaest podzemnih čeličnih rezervoara ukupne zapremine 770m³ (7x50m³, 4x80m³ i 1x100m³).
 - 3.6. U blizini pretakališta, osigurati priručna sredstva za brzu intervenciju u slučaju nekontrolisanog istjecanja, kako bi se spriječilo moguće onečišćenje voda i tla (piljevina, prikladni absorbensi, odgovarajuće posude, uređaji za pretakanje i sl.).
 - 3.7. Skladištenje i pretakanje nafte i naftnih derivata kao i ispitivanje ispravnosti i propusnosti rezervoara za skladištenje goriva vršiti u skladu sa Zakonom o naftnim derivatima u Federaciji Bosne i Hercegovine («Službene novine Federacije BiH», broj 52/14) i propisima iz ove oblasti, a na način da se spriječe dospijevanje nafte i naftnih derivata u podzemne i površinske vode.
 - 3.8. Da se istrošena ulja, zauljeni otpad kao i nastali čvrsti opasni i neopasni otpad redovno odstranjuje prema definisanim radnim uputstvima i sistematskim uputama o privremenom

- skladištenju i krajnjem zbrinjavanju od strane nadležne organizacije, a prema sačinjenom ugovoru sa istom.
- 3.9. Da se redovno vrši evidencija o količinama prikupljenih otpadnih ulja, opasnog i neopasnog otpada i evidencija o zbrinjavanju.
 - 3.10. Da se vrši redovno održavanje mjesta ispusta, dijela obale i korita rijeke Bosne kao i pristup mjestu na kome se nalazi ispušt otpadnih voda sa predmetnog Terminala.
 - 3.11. Talog iz separatora ulja i masti, opasne materije kao i ostali opasni i neopasni otpad se ne smije ni privremeno odlagati na česticu «vodno dobro», odnosno u vodotoke i na njegove obale.
 - 3.12. Vlasnik odnosno korisnik kompleksa objekata je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na mjernom mjestu prije ispusta u rijeku Bosnu u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20). Rezultate analiza dostaviti ovoj Agenciji.
 - 3.13. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
 - 3.14. Vlasnik odnosno korisnik kompleksa je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
 4. Vlasnik odnosno korisnik Terminala je obavezan vršiti plaćanje vodnih naknada u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12). Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH”, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH”, broj 92/07, 46/09, 79/11, 88/12 i 03/16), Prilog 1, Poglavlja I-IV – Način i metode utvrđivanja stepena zagađenja otpadnih voda i utvrđivanje koeficijenta zagađenja za zagađivače koji vrše direktna mjerenja voda.
 5. U periodu važenja ove dozvole, vlasnik odnosno korisnik je dužan provoditi sve mjere i aktivnosti propisane istom te najmanje jedanput u dvije godine vršiti ispitivanje uzoraka otpadne vode odnosno otpadnih i štetnih materija prije njihovog ispuštanja u prirodni recipijent te jedan primjerak Elaborata o utvrđenom stanju dostaviti ovoj Agenciji. Obračunavanje i plaćanje posebnih vodnih naknada za zaštitu voda vršiti do 20. u mjesecu za prethodni mjesec.
 6. U slučaju vanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, vlasnik odnosno korisnik predmetnog kompleksa objekata Terminala obavezan je izvijestiti nadležne organe i izvršiti vanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima i radnom prostoru Terminala obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 8. Ukoliko radom predmetnih objekata kompleksa Terminala dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 9. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 10. U ovoj upravnoj stvari plaćene su sve upravne takse.
 11. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.

12. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «HIFA-OIL» d.o.o. Tešanj, obratilo se ovoj Agenciji dana 02.03.2023. godine sa zahtjevom za izdavanje vodne dozvole za ispuštanje oborinskih onečišćenih otpadnih voda u prirodni recipijent sa lokaliteta kompleksa Terminala tečnih goriva izgrađenog na zemljištu označenom kao k.č. broj: 290/149, 290/150, 290/151, 290/152, 290/153, 290/154, 290/155 K.O. Zenica I, grad Zenica.

U provedenom postupku, dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-23-000181 izdatog dana 20.01.2023. godine od strane Općinskog suda u Zenici,
 - Ovjerena kopija Uvjerenja o poreznoj registraciji izdatog dana 24.11.2016. godine od strane Porezne uprave Federacije BiH – Kantonalni porezni ured Zenica,
 - Ovjerena kopija Uvjerenja o poreznoj registraciji (Podružnica Zenica) izdatog dana 16.05.2017. godine od strane Porezne uprave Federacije BiH – Kantonalni porezni ured Zenica,
 - Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-46152/17 izdatog dana 16.05.2017. godine od strane Službe za statistiku za područje Zeničko-dobojskog kantona,
 - Ovjerena kopija Obavještenja o razvrstavanju pravnog lica prema klasifikaciji djelatnosti broj: 07-32.5-54892/17 izdatog dana 22.08.2017. godine od strane Službe za statistiku za područje Zeničko-dobojskog kantona,
 - Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-7814-2/16 izdatog dana 14.12.2016. godine od strane Uprave za indirektno-neizravno oporezivanje Banja Luka,
 - Kopija Rješenja o odobrenju za građenje broj: 12-23-4420/19 izdatog 13.08.2019. godine od strane Ministarstva za prostorno uređenje, promet i komunikacije i zaštitu okoline Zeničko-dobojskog kantona,
 - Ovjerena kopija Rješenja o odobrenju za upotrebu građevine broj: 12-19-4248/21 izdatog dana 18.06.2021. godine od strane Ministarstva za urbanizam, prostorno uređenje i zaštitu okoline Zeničko-dobojskog kantona,
 - Ovjerena kopija Rješenja o vodnoj dozvoli broj: UP-I/25-3-40-616-3/17 izdatog dana 13.03.2018. godine od strane «Agencije za vodno područje rijeke Save» Sarajevo,
 - Ovjerena kopija Rješenja o izmjeni i dopuni rješenja o vodnoj dozvoli broj: UP-I/25-3-40-616-4/17 izdatog dana 15.12.2020. godine od strane «Agencije za vodno područje rijeke Save» Sarajevo,
 - Kopija Rješenja o izmjeni i dopuni rješenja o vodnoj dozvoli broj: UP-I/25-3-40-616-15/17 izdatog dana 03.06.2021. godine od strane «Agencije za vodno područje rijeke Save» Sarajevo,
 - Kopija Rješenja o vodnoj dozvoli broj: UP-I/25-3-40-616-3/17 izdatog dana 13.03.2018. godine od strane «Agencije za vodno područje rijeke Save» Sarajevo,
 - Ovjerena kopija Rješenja o okolinskoj dozvoli broj: UPI05/-02-19-5-107/2020 MK izdatog dana 26.01.2021. godine od strane Federalnog ministarstva okoliša i turizma,
 - Glavni projekat – vanjske hidroinstalacije, izvedeno stanje: Rekonstrukcija postojećeg terminala tečnih goriva, izgradnja nadstrešnica br 1, 2 i 3, nadogradnja postojećeg objekta skladišta sa promjenom namjene u upravni objekat, ugradnja novog separatora ulja i rekonstrukcija vanjskog uređenja na k.č. broj: 290/149, 150, 151, 152, 153, 154, 155 K.O. Zenica I, grad Zenica urađen od strane «IBIS» d.o.o. Zavidovići, decembar 2018. godine - na uvid,
 - Ovjerena kopija Ugovora broj: 22/11/18 o izvršenju usluge odvoza otpada za privredne subjekte zaključen dana 30.10.2018. godine između «HIFA-OIL» d.o.o. Tešanj i «ALBA Zenica» d.o.o. Zenica,
 - Ovjerena kopija Ugovora broj: 02.08.2021-1/15-DS o izvođenju radova na čišćenju separatora i septičkih jama i odvozu otpadnog mulja i taloga iz separatora i septičkih jama zaključen dana 01.10.2021. godine između «HIFA-OIL» d.o.o. Tešanj i «DELTA PETROL» d.o.o. Kakanj (prilog-nalozima),
- ovjeren radni zapisnik o čišćenju separatora broj: 13/01/23 od 11.01.2023. godine sa radnim

- Kopija uplatnice – plaćanje posebnih vodnih naknada za zaštitu voda od 08.02.2022. godine,
- Ovjereni kopija Ugovora o poslovnoj saradnji za monitoring otpadnih voda broj: 40/17 zaključen dana 13.04.2017. godine između «HIFA-OIL» d.o.o. Tešanj i «Inspekt RGH» d.o.o. Sarajevo,
- Kopija Izvještaja broj: 146/23 o monitoringu kvaliteta i kvantiteta otpadnih voda za Terminal tečnih goriva «HIFA OIL» Zenica urađenog u februaru 2023. godine od strane «Inspekt-RGH» d.o.o. Sarajevo,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22) izvršen je obilazak predmetnog kompleksa Terminala u Zenici i tom prilikom je sačinjen Zapisnik o uviđaju broj: UP-1/21-3-40-076-2/23 od 18.04.2023. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće: Terminal tečnih goriva «HIFA-OIL» d.o.o. Tešanj izgrađen na lijevoj obali rijeke Bosne na lokalitetu industrijske zone Zenica čine:

- Nadzemno skladište sa četiri rezervoara ukupne zapremine 12.000m³ (4x3.000m³) smještena u betonske vodonepropusne tankvane. Tankvane su povezane kanalizacionim sistemom sa separatorom ulja i masti, a na svakom ispustu su ugrađeni ventili za kontrolisano ispuštanje prikupljenih oborinskih voda do separatora,
- Podzemno skladište sa dvanaest čeličnih rezervoara ukupne zapremine 770m³ (7x50m³, 4x80 m³ i 1x100m³) smještenih u zajedničku vodonepropusnu betonsku tankvanu,
- Pretakališta za sve vrste goriva koja su smještena između industrijskog kolosjeka i pristupne saobraćajnice,
- Objekat za protivpožarnu zaštitu (pumpna stanica),
- Upravna zgrada,
- Kotlovnica na mazut (nadzemni spremnik mazuta smješten u vodonepropusnu tankvanu),
- Skladište i radionica,
- Separator ulja i masti kapaciteta,
- Postrojenje za tretman sanitarno-fekalnih otpadnih voda,
- Radno-manipulativne površine, saobraćajnice i prateća infrastruktura.

Onečišćene oborinske vode sa pretakališta, radno-manipulativnih površina i iz tankvana prikupljaju se zasebnim kanalizacionim sistemom i odvođe na tretman u separator ulja i masti sa koalescentnim filterom kapaciteta 250l/sec. Ispust prečišćenih voda je preko okna za monitoring u rijeku Bosnu.

Sanitarno fekalne vode nastale u upravnoj zgradi se prikupljaju zasebnim kanalizacionim sistemom i odvođe na tretman u biološki uređaj za prečišćavanje otpadnih voda.

Monitoring otpadnih voda se vrši redovno. Uz zahtjev dostavljen Izvještaj o monitoringu kvaliteta i kvantiteta otpadnih voda urađen u februaru 2023. godine od strane «Inspekt RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Čišćenje separatora i zbrinjavanje opasnog otpada se vrši redovno od strane «DELTA PETROL» d.o.o. Kakanj (priložen radni zapisnik o čišćenju separatora od 11.01.2023. godine).

Za predmetni kompleks izdato je Rješenje o okolinskoj dozvoli broj: UPI05/-02-19-5-107/2020 MK dana 26.01.2021. godine od strane Federalnog ministarstva okoliša i turizma Sarajevo.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog kompleksa objekata i aktivnosti na stanje voda i vodni režim, podnosiocu zahtjeva su ovom vodom dozvolom u tački 3. dispozitiva Rješenja propisani uslovi kojih se dužan pridržavati prilikom korištenja objekata kompleksa Terminala u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11,

88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14).

Konstatuje se da je podnosilac zahtjeva, «HIFA-OIL» d.o.o. Tešanj, ispunio minimum uslova za izdavanje vodne dozvole za ispuštanje oborinskih onečišćenih otpadnih voda u prirodni recipijent sa lokaliteta kompleksa Terminala tečnih goriva u Zenici te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) vlasniku odnosno korisniku kompleksa objekata Terminala utvrđene su obaveze u tački 6. dispozitiva ovog Rješenja.

Podnosilac zahtjeva je uplatio upravnu taksu u iznosu od 70KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata



Haris Ališehović
Haris Ališehović, dipl.ing.građ.

Dostaviti:

- «HIFA-OIL» d.o.o. Tešanj
- Bukva br 10, 74260 Tešanj
- AVP, ISV – Vodna knjiga
- Sektor 50,
- Sektor 40, arhiva
- Oglasna ploča – AVP Sava